

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1807759944 որոշումը անփոփոխ, իսկ գանգատն առանց բավարարման թողնելու մասին

<<14>> 05 2018թ. 17-4-2802

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյան, վերանայելով քաղաքացի Վազգեն Ռաֆֆու Հունանյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Վազգեն Ռաֆֆու Հունանյանը 50529-18 դիմումով խնդրել է ճանապարհային ոստիկանության թիվ 1807759944 որոշումով ամրագրված իրավախախտումը վերահասցեագրել իրեն:

«Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին» ՀՀ օրենքի 7-րդ հոդվածի 6-րդ մասի համաձայն գանգատը (բողոքը կամ հայցադիմումը) կարող է ներկայացվել վարչական ակտի հասցեատիրոջ կամ խախտում կատարած անձի կողմից և պետք է պարունակի խախտումը կատարած անձի անունը, ազգանունը, վարորդական վկայականի սերիան և համարը, բնակության վայրը, ինչպես նաև դրան պետք է կցվեն գանգատը ներկայացնող անձանց անձնագրերի և տրանսպորտային միջոցի հաշվառման փաստաթղթի պատճենները: Եթե տրանսպորտային միջոցն օգտագործվում է գրավոր պայմանագրի հիման վրա, ապա գանգատին (բողոքին կամ հայցադիմումին) պետք է կցվի նաև պայմանագրի պատճենը:

Նյութերի ուսումնասիրության ընթացքում պարզվել է, որ Վազգեն Ռաֆֆու Հունանյանի կողմից ներկայացված ապացույցները չեն հիմնավորում թիվ 1807759944 որոշումով ամրագրված իրավախախտումը վերջինիս կողմից կատարված լինելու փաստը, քանի որ չի պահպանել վերոնշյալ իրավանորմով սահմանված պայմանները, չի ներկայացվել վարորդական վկայականի սերիան և համարը, գանգատը ներկայացնող անձանց անձնագրերի և տրանսպորտային միջոցի հաշվառման փաստաթղթի պատճենները:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1807759944 որոշումը թողնել անփոփոխ, իսկ գանգատն՝ առանց բավարարման:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3. Սույն որոշման օրինակներն ուղարկել Վազգեն Ռաֆֆու Հունանյանին (հասցեն՝ ք. Երևան, Ն. Տիգրանյան 21/2) և ՏՄՀԽԱ կենտրոն:



Ե.Կարապետյան